

# Saluton!

Bulteno de la Esperanto-Societo de Ŝikago

Nº5, Majo, 2009

*Ĉi jare tutmonda E-istaro festas 150-datrevenon de nia Majstro kaj ankaŭ 100-jaran jubileon de alia fama s-no, fakulo pri la internacia juro, kiu uzis siajn konojn por internacie starigi IL-on – Ivo Lapenna. Al li estis dediĉita nia aprila kunveno.*

## 100-jara datreveno de Ivo Lapenna

Ivo Lapenna naskiĝis en Split (Dalmatio, Jugoslavio) la 5-an de novembro 1909 en malnova dalmata, aristokrata familio. La patro, Petar, estis akademia konstruĝiniero kaj univ. profesoro, la patrino, Amelia, pianistino. Li lernis en klasika gimnazio en Split, poste en Zagrebo, kie li abituriĝis kun bonega sukceso. Juron li studis en la Jura Fakultato de la Universitato de Zagrebo, diplomigis kun eminenta rezulto en 1932 kaj doktoriĝis la 31-an de oktobro 1933. En la sama jaro li finis la okjaran mezgradan lernejon de la Muzika Akademio en Zagreb (violonĉelo) kaj diplomigis kiel mezgrada instruisto de muziko.

La 10-an de aprilo 1941 la naziaj kaj ustaŝaj trupoj okupis Zagrebon. D-ro Lapenna, kiu pro siaj demokratiaj, progresemaĵoj kaj aktivadoj, inkluzive la laboron por Esperanto, troviĝis sur la listo de arestotoj kaj deportotoj, tuj “subteriĝis” kaj fine de julio 1941 per falsa pasporto sukcesis fuĝi en Split, tiutempe sub itala-faŝista okupado. Li aliĝis al la Nacilibera Movado. Li plenumadis diversajn taskojn sur la teritorioj liberigitaj de la partizanoj en Bosnio, Norda Dalmatio kaj sur la insuloj Braĉ, Hvar kaj Vis, ĉefe korespondanto de Slobodna Dalmacija (Libera Dalmatio). En novembro 1943 li sukcesis organizi konferenceton de dekkvino da esperantistoj en la urbeto Livno (Bosnio), ĉirkaŭita de la malamikaj trupoj. Oni aŭdadis la tondradon de kanonoj.

Post la milito li unue estis ĉefo de la Departemento pri Hejma Preso de PR Kroatio kaj iom poste redaktoro de Narodne Novine (Oficiala Gazeto) de PR Kroatio. Sekvis laŭvice: docento, iom poste profesoro pri Internacia Juro kaj Internaciaj Rilatoj en la Jura Fakultato de la Universitato en Zagrebo; eksperto pri Internacia Juro en la Delegacio de Jugoslavio ĉe la Packonferenco en Parizo en 1946; advokato-konsilisto de Albanio en la proceso kontraŭ

Britio pro la incidentoj en la Markolo de Korfu antaŭ la Internacia Kortumo en Hago en 1947/48; ekde 1948 Membro-Korespondanto de la Jugoslavia Akademio de Sciencoj kaj Artoj en Zagrebo.

Ekde la fino de 1949 Ivo Lapenna loĝis ekster Jugoslavio. Unue li estis en Parizo kaj ekde la mezo de 1951 en Londono, kie li poste fariĝis brita ŝtatano. En Londono li estis laŭvice: “research fellow” (esplorokolego), lektiisto, docento kaj mallonge post tio profesoro pri Kompara Sovetia kaj Orienteŭropa Juro en la mondfama The London School of Economics and Political Science de la Universitato de Londono, per kio li atingis sian duan profesorecon.

Post sia pensiigo en oktobro 1977 li ricevis la titolon de “Em. Profesoro de Kompara Sovetia kaj Orienteŭropa Juro de la Universitato de Londono”, sed, laŭ la peto de la universitataj aŭtoritatoj, daŭrigas sian kutiman universitatan laboron. En 1972 li ricevis de la Universitato en Fort Lauderdale (Usono) la titolon de “Doktoro honoris causa pri Internaciaj Rilatoj”. Aldone al sia instrua kaj jurscienca laboro en la Universitato de Londono, Prof. Lapenna lekiis

kiel invitito aŭ gastprofesoro en multaj aliaj universitatoj aŭ jursciencaj institutoj, ekz. en tiuj de Beograd, Uppsala, Stockholm, Hamburg, Köln, München, Venezia, Paris, Strasbourg, New York, Washington, Harvard, Yale, Sydney, Camberra.

Ivo Lapenna forpasis la 15-an de decembro 1987 en Kopenhago kaj estas entombigita tie.

I. Lapenna ellernis Esperanton kiel memlernanto en 1928. Kunfondinto de Studenta Esperanto-Klubo (poste Akademia Esperanto-Klubo) en la Universitato de Zagrebo en 1929, kaj ĝia prezidanto ĝis aprilo 1941; fondinto de



Studenta Tutmonda Esperanto-Ligo (STELO) dum la UK en Budapeŝto en 1929, kaj ĝia prezidanto ĝis la komenciĝo de la Dua Mondmilito; prezidanto de Jugoslavia Esperanto-Ligo de 1937-1950; komitatano kaj estrarano de IEL (ekde 1947 UEA) de 1938 -1974; ĝenerala sekretario de UEA de 1955-1964; prezidanto de UEA de 1964-1974; fondinto de Internacia Esperanto-Asocio de Juristoj (IEAJ) en 1957 kaj ekde tiam ĝia prezidanto, iniciatinto kaj dum pluraj jaroj redaktoro de ĝia organo Internacia Jura Revuo; membro de la Akademio de Esperanto ekde 1952; kunfondinto de Internacia Centro de la Neŭtrala Esperanto-Movado (ICNEM) en 1980 ekde tiam ĝia prezidanto; membro de la redakta komitato de Horizonte kaj ĝia ĉefa kunlaboranto.

1952-1954: Grandaj kampanjoj lige kun la Peticio al UN/Unesko, kronitaj per la konsultaj rilatoj inter UEA kaj Unesko kaj per la Rezolucio de Unesko de la 1954. Miloj da artikoloj en la monda gazetaro. Ĉefaj verkoj en Esperanto: Retoriko, Unua eldono: Les Presses de l'Imprimerie Moderne B Langres (Hte-Marne), Paris 1950. Dua eldono, reverkita kaj kompletigita: Universala Esperanto-Asocio, Rotterdam 1958. Tria eldono, korektita: Universala Esperanto-Asocio, Rotterdam 1971. Publikigita ankaŭ en japana traduko, 1974. Krome: ĉ. 1500 artikoloj kaj amaso da noticoj, recenzoj kaj similaj tekstoj en Esperanto kaj en diversaj naciaj lingvoj pri Esperanto aŭ lige kun ĝi kaj ĉ. 150 jursciencaj monografoj, studoj kaj artikoloj en la kroata, angla, franca, itala, germana kaj Esperanto. Scio de lingvoj: pasive kaj aktive: kroata, Esperanto, angla, franca, itala, germana, rusa; nur pasive pli aŭ malpli bone: slovena, makedona, bulgara, ĉeĥa, slovak, hispana, latina kaj helena (nur tre malmulte).

### GRATULOJN???

La 8an de Aprilo en nia E-societo aperis nova membro – Davido-Armano, la filo de Sepideh kaj Roberto. Al ĉiuj familianoj ni tutkore deziras sanon, feliĉon, ĝojon kaj multajn sukcesojn en la proksima estonteco sur la verda tereno de Esperantujo!



estonteco sur la verda tereno de Esperantujo!

### Adreso (provizora)

Esperanto Societo de Ŝikago  
p/a Viktor' Pajuk  
8228 O'Connor Dr., # 2F  
River Grove, IL 60171  
(773) 344-2276  
[www.esperanto-chicago.org/](http://www.esperanto-chicago.org/)

### Estraro:

Prezidanto – Viktoro Pajuk  
Vicprezidanto – d-ro Puramo Chong  
Eksprezidanto – Roberto Stalzer  
Sekretario – Gertrude Novak, MD  
Kasisto – Karlo Gunn

### MEMBROKOTIZO

Membro-subtenanto ; \$40 jare;  
Familia membro : \$30, Regula: \$20  
Studenta aŭ pensiula: \$10.

Gifts are welcome also.  
Dues are needed for the routine expenses of the Society.

Check should be payable to the Esperanto Society of Chicago, and mailed to our Treasurer,  
Charles Gunn, 828 S. Ada St,  
Chicago IL 60607

### KUNSIDO

**okazas kutime la kvaran mardon de ĉiu monato en:**

Sulzer Public Library, 4455 N. Lincoln Ave., Chicago, IL 60625-2101.  
Kunvenoj komenciĝas je 7 p.t. en la Suda Konferenca Salono, unua etaĝo.

### Jen la informo pri niaj sekvantaj kunsidoj:

26an de Majo – Esperanto-USA Kongreso en Sankta Luiso  
28an de Junio – tradicia pikniko  
28an de Julio – temo estos anoncota  
25an de Aŭgusto – UK en Bjalistoko

